



# 中國地方志集成

四川府縣志輯（新編）⑬

民國大邑縣志

民國崇慶縣志

巴蜀書社 · 鳳凰出版社 · 上海書店

# 第十三册

民國大邑縣志.....一

民國崇慶縣志.....一

國民

大邑縣志

民國·王銘新 解汝襄等 修 鍾毓靈 龔維錡等 纂

民國十九年鉛印本 十四卷

重修大邑縣志前序

歲在己巳據古文題稱屬維大荒落紀成書之年其秋大邑縣志稿乃重寫定余始得讀用古法仿常氏華陽國志之例爲序例一篇分節如史漢序例應次在全書之後文取典雅肅括無遺言是輕虛覽者未能達意也文體遷流非一朝之故矣後世之爲某書作序者每上下自據其論議兼有紀事之體茲亦取焉乃重爲序曰邑乘之稱於世者厥有臨安志吳郡圖經武功朝邑縣志各有取裁不具史體章氏實齋出發揮史學課文史通義據張方志之體宜脩國史之裁學者自後翕然同風鄭子尹遵義府志最爲脩體湘潭王侍講有衡山桂陽縣志出入古今自成義法自非鴻才書成一手不能繁其精英惟遵義志通雅俗古今之郵中材羣策官局修書得以規撫尙不失繩墨辛酉之歲富順開修志館署余爲監修始發凡起例資所聞於章實齋氏酌爲損益視段

大邑縣志

志體裁爲脩第分纂於編輯補苴點定以成之未足爲愜心貴當也歲在乙丑始承譔重修四川通志初立略例部居門目規爲長編越兩年凡三易起草乃成各門子目分題謹述然非成於一手不能始終融澈是以爲命修辭必終於潤色也章氏所舉宜若盡善矣顧囿於一朝所治獨詳紀於近代所主在官師科舉士族史法志例不及生存今值玄黃之會武功日起賢豪間作固無資於科舉之士族以觀風俗也其爲官師又皆本境相臨茲於遵帝制以崇詔令列官師以治士民舊例無取焉乃按考華陽國志前分爲四志以本境人士爲主體郡邑都舉其大姓政事風俗之所由來也至益州建牧始以官吏爲統系明其政治之所從出而人物士女並列間出仍分繫於郡縣亦不以官民爲分界也然則章氏之所志以視古作者之材未之能逮也舉此已概可知矣後之學者尙何言哉大邑原有世族曰常氏以常泰恭稱首即道將之

先輩與陳承祚共撰益部耆舊傳者也晚近則有廉吏籍於此邑爲汪氏又有舊家士族若氏劉氏以武功嘯興爲蜀之冠爰表生存與其先德爲特增氏族原志人物題列士列女中間以耆舊一目嘉其有義法故以彙次氏族殿於終篇史志有定裁而無執例視其時地所產之材固殊也先是舊同門友傳芭棠孝廉爲言縣志初成甄諸史裁斯未能信欲斬修正以合義例繼而劉甫澄軍長自以幣將與初寫志本俱來請爲誌訂余方就鄉居爲通志避羣程書披覽踰兩月卒業殆五復五反就目誦手披所見及記蒞於簽凡九十三簽分合裁并間有點竄甚希彌三閱月視之如重視草正如劉向別錄所謂校讐二者如理辭對簿怨家相對也則董理寫定功多時龔葆青大令爲志局總文案介詞居其間爰分幣潤三百假署傳芭棠爲分校龔爲協修越兩年歲在己巳始重寫定校閱無差乃次爲叙例是書較富順縣志後出爲優同

大邑縣志

此役者無避勞焉異乎率爾操觚者矣同事傳芭棠龔向農龔維錡例著名於篇是爲序

重修大邑縣志序例

大邑族望常氏蔚興承漢皇波世濟其美爰啟道將譚華陽國志之書貽我高矩明其國故於以徵文常課序例一篇即載大邑文徵之首按此篇先有序言次乃稱讚爲序又似綴而未竟讀者蓋不能明不知其斯爲史漢序傳之例也古人著述書成乃綜其凡而後爲之序其先分次品目列於各篇之首舉有所明與後序容有異同亦不嫌其重出也晚近刻書移序居前因已見於分次篇首謬以爲縛複而裁之視似總序爲未完篇矣茲序先其自序乃次四言括贊此後當次以總讚爲序傳之統系類別首事繫於國次行成於家學傳於後名聞於鄉有具讚表其行誼有附讚書名次其實有但題名不書事狀凡四類爲三等也後世競於藻翰文不軌物官私修書無法度可循則先議條例羅列排纂云爾文詞著述各以意爲汗牛滿車擗架侈富所謂法例亦不可

大邑縣志

三

循也大邑縣志初稿成劉自乾劉甫澄兩軍長以審定相屬披覽逾兩月討論爲評九十餘簽逐第裁篇出入省并排比不易功多於曩時踰年乃寫定復讀部居系聯屬而不越於列士傳有先賢次以耆舊附及壽民于氏族始及生存統以族望題名然後品目其可傳之行實事狀成章有體裁於其他邑方志固以有兩漢人物先于前乎抑亦可循以爲法也余嘗有願修古今文選設義法兩綱以學理政見爲紀限文固取其工乎而無學理政見焉不在此選自六朝重藻翰唐宋以降求之筆調爲多日流于淺薄今世競談詞章美術爲國粹西人稱爲我之文化實不能辨文體而概曰文章抑未求之古名大家文皆有體言皆有物學理政見是矣有若阮陶之詩幾無一篇無學理杜韓則政見特多時見學理曲江陳李則學理政見相間而出文固顯然較著無論矣第論劉夢得柳子厚之詩文與韓相敵而聲聞不逮昌黎者學理政見不

如也黃山谷陳后山之詩足與蘇軾而名不若者其於學理政見寡聞焉爾昌黎言其根沃者光暉彌其中者彪外爲學理政見言之學者乃獨求之氣盛則言宜猶筆調也嘗湘鄉始明始於鍊句終於鍊句吾則見爲明於訓詁使詞達其意而已顧所發願體大不能舉移此志於修通志之終事選全蜀藝文徵方且謀始而大邑縣志成有文徵詩徵既重訂稿復次文徵有文非當選緣掌故而存者重爲節錄一縣方隅之誦固易爲功推廣以選全蜀文徵其法例亦視此矣乃最其凡爲之序次如左

大邑縣志

總目

四

卷一沿革志

卷二地理志

卷三建置志

卷四學校志

|    |    |    |    |    |
|----|----|----|----|----|
| 縣城 | 津鄉 | 關隘 | 山脈 | 水蹟 |
| 塘城 | 梁勢 | 古蹟 | 縣城 | 橋梁 |
| 保城 | 甲池 | 公署 | 法團 | 軍營 |
| 風俗 | 孔道 | 鄉村 | 道路 | 留學 |
| 宗坊 | 場道 | 教育 | 貨表 | 學名 |
| 教表 | 教表 | 教育 | 貨表 | 學名 |

卷五壇廟寺觀

卷六藝文志

卷七官師傳

卷八職官表

卷九科舉表

卷十食貨志

卷十一列士志

卷十二列女志

卷十三氏族志

卷十四雜志

文徵

詩徵

|    |    |    |    |
|----|----|----|----|
| 戶口 | 農田 | 賦稅 | 倉儲 |
| 先賢 | 耆舊 | 附錄 | 流寓 |
| 方技 | 仙釋 | 附錄 | 孝友 |
| 賢婦 | 節婦 | 烈婦 | 義行 |
| 氏族 | 名人 | 列傳 | 雜記 |
| 氏族 | 名人 | 列傳 | 雜記 |

歲在屠維大荒落秋相月宋育仁譔

大邑縣志

五

補修大邑縣志職名

主修 大邑縣縣長

審定

總纂

分校

復任採訪  
校刊

解汝襄

宋育仁

龔維錡

洪次雲

龔孝農

傅守中

張全琮

王肇基

嚴大琛

李希元

大邑縣志

一

重修大邑縣志職名

主修大邑縣知事

審定

總纂

總探訪

籌辦

王銘新  
宋育仁  
鍾毓靈  
傅守中  
黃應秋  
張全琮  
唐瀟湘  
李贊襄  
李嘉林  
楊增榮  
袁燭昭

大邑縣志

庶務  
中區探訪

東區探訪

上南區探訪

午夢岩  
駱仁義  
查光大  
康濟民  
楊世華  
高國光  
羅子材  
萬家佛  
李乾  
陸炳松  
黃嗣瓊  
王炳烜

下南探訪

西區探訪


北區探訪

黃錫江  
杜克明  
李正華  
李宗泌  
李世俊  
羅懋材  
曹秉激  
倪錫嘉  
姚樑  
袁燭昭  
周秉中  
李華椿

大邑縣志

曾唯  
李家敏  
蕭世臣  
陳楚植  
王元勳  
楊毓英  
王永燦  
李兆蓉

大邑醫圖



|   |   |   |   |   |   |   |   |   |
|---|---|---|---|---|---|---|---|---|
| 雲 | 山 | 河 | 通 | 深 | 夢 | 龍 | 地 | 邊 |
| 一 | ○ | 川 | 二 | 心 | 又 | ◎ | 〇 | ！ |
| 例 | 圖 |   |   |   |   |   |   |   |

|    |   |
|----|---|
| 大  |   |
| or |   |
| 豐  | 豐 |
| 王  | 王 |
| 彡  | 彡 |
| 通  | 通 |
| 通  | 通 |
| 金  | 金 |

[illegible]

大邑縣志卷一

沿革志

西蜀版圖首詳禹貢華陽黑水實惟梁州爰訖成周分陝而治江沱流域悉屬召南乃若庸蜀會師名通上國蠻夷分服世號蜀山迨秦惠伐蜀遂定成都封建云亡夷爲蜀郡領縣十五七日江原郡縣之制興沿革之例起考今大邑江原一隅之江原舊治延袤二百餘里今崇慶溫江瀘縣悉隸其境兩漢相承始詳著錄晉宋而降易名普原迄唐咸亨析置大邑逮元元統省安仁縣併入明清兩朝因而不改如此沿革有史可徵悉著於篇以供考證蓋自蘭臺修史地理斯詳載籍可稽當自漢始而唐虞三代經記綿緬語焉未詳存諸不論可也

重修大邑縣志原十二門每門先有序文稱首思筆典瞻雅有條理即凡例已最括其中承任檢校審定有所損益裁並出入既加以簽評三

大邑縣志

卷一

閱月而訖今寫定重覽更掃遺塵但綜其序例以爲後序從古之志不先標凡例於篇首即存每門原序之文以作凡例但取足資後進之觀程不沒前人之成績也惟於序文略有刪繁及各門有移置篇第先後俾覽斯志者屬讀而知其本末終始故復綴其居要次於原序文後俾志某篇第一至十二茲合縣境道里圖爰記歷代置郡改縣志沿革第一

大邑於漢爲江原縣屬益州蜀郡

漢書地理志周改禹徐梁二州合之於雍秦秦并兼四海分天下爲郡縣改雍曰涼改梁曰益益州領蜀郡原注秦置有小江入戶二

十六萬八千二百七十九口百二十四萬五千九百二十九縣十五

成都 郫 繁 廣都 臨邛 青衣 江原原注郫水首受江

日印原應劭嚴道 綿鹿 旄牛 徙 湔氏道 汶江 廣柔

蠶陵

元和郡縣志大邑本漢江原縣地太平寶宇記元豐九域志均同新莽改江原爲卬原屬導江卒正公孫述又改益州爲司隸校尉蜀郡爲成都尹後漢復名江原仍屬益州蜀郡

莽曰卬原見前漢書地理志江原注華陽國志王莽篡盜改蜀郡爲導江郡守爲卒正

後漢書光武建武元年公孫述改益州爲司隸校尉蜀郡爲成都尹建武十二年春吳漢大破蜀兵殺公孫述蜀平仍置益州領蜀郡後漢書郡國志蜀郡原注秦置犍爲十一城戶三十萬四百五十二

口百三十五萬四百七十六領成都 郫 江原 繁 廣都 臨邛 湔氏道 汶江道 八陵 廣柔 綿鹿道

蜀漢亦名江原仍屬益州蜀郡後主嗣改益州郡爲建寧郡

大邑縣志

卷一

清洪亮吉補三國疆域志漢建安十九年定益州二十四年進定漢中後主建興七年復得梁州之武都郡改益州郡爲建寧郡遙領交州共領郡二十二治成都 蜀郡秦置領縣七 成都 郫 江原 繁 廣都 臨邛 湔

晉初仍舊李雄據蜀卽江原縣地置漢原郡縣亦更名漢原嗣蜀平穆帝改漢原郡爲晉原郡惟縣仍名江原

晉書地理志益州統郡八縣四十四戶十四萬九千三百

蜀郡原注秦置統成都 廣都 繁 江原 臨邛 郫

華陽國志蜀郡州治屬縣五戶漢二十七萬晉六萬五千去洛三千

一百二十里東接廣漢北接汶山西接漢嘉南接犍爲州治太城郡

治少城其大江自湔岷下至犍爲領成都郫縣臨邛廣都江原縣原注

東郡西渡大江漢文井江去郡一百二十里有青城山稱江祠東郡常氏爲大姓文井江上有常氏堤三十里有天馬祠

四川通志晉懷帝永嘉六年李雄即江原縣地置漢原郡並置漢原  
臨邛二縣隸之穆帝永和三年歸晉改漢原郡爲晉原郡復改縣曰  
江原

宋仍爲江原縣屬益州晉原郡

宋書益州領蜀郡廣漢晉原等二十九郡晉原太守領縣五 江原

臨邛 晉樂 徙陽 漢嘉

齊亦爲江原縣屬益州晉康郡

南齊書益州領蜀郡廣漢晉康等二十五郡晉康郡領縣五 江原

臨邛 樅陽 晉樂 漢嘉

梁仍爲江原縣屬益州江原郡

四川通志梁改晉康郡爲江原郡領江原臨邛晉樂三縣移臨邛還

理臨邛 重修志注云案此即晉於唐改置多融縣崇慶州志多融縣

### 大邑縣志

卷一

三

隸江郡原多融山名在州西北

後周改爲晉原縣屬益州總管府

通志後周廢郡改江原縣爲晉原隸總管府

隋因後周仍爲晉原縣初屬西南道行臺中屬總管府後屬蜀郡

隋書蜀郡舊屬益州開皇初廢益州置西南道行臺統縣十三晉原

其一也 重修志注云按晉原舊曰江原後周廢晉原郡

崇慶州志通志載晉原縣屬蜀郡考開皇初蜀郡已廢當作隸益州

今按府志隋開皇初廢郡縣置西南道行臺三年置總管府大業元

年府廢仍爲蜀郡是廢郡者文帝復郡者煬帝也 重修志注云按自

遼廢唐初即其地置唐隆後爲武隆爲唐安爲唐興主

唐書地理志武德元年改諸郡爲州梁益二州皆置總管府三年於

唐書地理志武德元年改諸郡爲州梁益二州皆置總管府三年於

益州置西南道行臺九年罷行臺貞觀元年以益州置劍南道蓋古

梁州之城總爲蜀首分其名山岷峨青城鶴鳴其大川涪雅西漢

唐書地理志劍南道領成都府及彭蜀眉等三十八州邛州臨邛

郡武德元年析雅州置顯慶二年徙治臨邛郡領縣七臨邛依政安

仁大邑 唐武德二年析蒲江臨溪火井按此大邑與晉原 輿地廣記

邛州秦置臨邛縣屬蜀郡二漢及晉皆因之宋齊屬晉康郡梁置邛

州西魏因之置臨邛郡隋開皇初郡廢大業初州廢仍爲臨邛縣屬

臨邛郡唐武德元年置邛州天寶元年日臨邛郡領縣六臨邛依政

安仁 原注武德三年析臨邛依政置屬大邑 原注唐武德二年析益

蒲江 火井

元和志大邑縣東南至邛州四十九里本漢江原縣地咸亨二年割

晉原之西界置

### 大邑縣志

卷一

四

寰宇記縣在鶴鳴山東其邑廣大遂以爲名

九域志在州北四十里

宋王應麟玉海地理類十道山川考劍南道者禹貢梁州之域梁州

自劍閣而南分爲益州是爲劍南道劍南名山峨眉青城鶴鳴岷山

注鶴鳴在蜀州晉原縣西七十九里絕壁千尋後漢張道陵學道鶴鳴山中一云在縣西八十里

宋大邑縣屬西川路成都府邛州

宋史地理志邛州上臨邛郡戶七萬九千二百七十九口一十九萬

三千三十二貢絲布縣六臨邛 照寧五年省臨溪縣爲鎮

依政 安仁 大邑 蒲江 入焉併入依政蒲江火井

二惠民 鑄錢建 火井 中開寶三年移治平 監

元初省安仁縣併入大邑縣屬四川行中書省嘉定州路總管府邛州

元史地理志嘉定州路領眉邛二州邛州領縣三大邑蒲江火井

元和志邛州安仁縣西南至邛州三十八里本秦臨邛縣地武德三年割臨邛依政唐興等縣置貞觀十七年廢咸亨元年依舊置通志元初併入大邑廢縣在縣東南三十里

接安仁廢縣即今安仁鎮

明大邑縣屬四川承宣布政使司邛州

明史地理志邛州元屬嘉定州路洪武九年四月降爲縣仍屬嘉定州成化十九年二月復爲州直隸布政司領縣二大邑蒲江大邑洪武十年五月省入邛縣十三年十一月復置屬嘉定州成化十九年二月還屬邛州

明一統志大邑縣在州北四百八十里

按州指本蜀郡江原縣地晉嘉定言

因之西魏屬江原郡後周郡廢改縣曰晉原隋屬益州唐析晉原置大邑縣屬邛州宋仍舊元併安仁火井二縣入焉

按併火井入縣他書未見存後傳考

清大邑縣屬四川省上南道邛州直隸州

## 大邑縣志

卷一

五

大清一統志邛州屬四川省上川南道領縣二蒲江大邑寰宇記縣在鶴鳴山東其邑廣大遂以爲名

民國仍舊大邑縣屬四川省川南道

前清地方官制分爲四級曰省曰道曰府暨直隸州曰州縣民國元年更爲三級廢州府制於是省邛州改爲邛崃縣與大邑縣同屬川南道現又廢道直屬省政府矣

謹按重修志第二卷紀事沿革表後附以考證竝有跋文一段亦頗明辨因全錄之跋云按大邑自唐咸亨析置以來千二百餘年未有改也舊志誤將後唐五代宋時之江原晉原闌入遂至界限不分按通志漢江原縣在今崇慶州東二十里江原場水經注謂江水逕江原縣郛水出焉即此地也西魏廢江原唐武德初於廢江原縣置唐隆縣直至宋開寶中復爲江原其時距置大邑之時已將三百年本

自截然不紊若晉原自後周廢多融改晉原縣移治於今崇慶州治西南之龍門街俗尙沿稱古城即其地也咸亨二年析晉原西境置大邑縣至垂拱二年始於縣東置蜀州

即今崇慶州治

而晉原縣如故也歷五代宋元迄明洪武初始省晉原縣入崇慶州此又釐然各別若會典載大邑縣望曰江原係沿其舊地而名之實則唐以後之江原晉原自有其縣在要皆與大邑無涉里界址首宜釐正庶傳信後人免滋疑惑焉

大邑故城今縣治元和志縣東南至邛州四十九里本漢江原縣地咸亨二年割晉原縣之西界置九域志在州北四十里

按大邑至邛州係西南行元和

志云東南至邛縣

安仁縣在縣東南元和志邛州安仁縣西南至邛州三十八里本秦臨邛縣地武德三年割臨邛依政唐興等縣置貞觀十七年廢咸亨二

## 大邑縣志

卷一

六

年依舊置通志廢縣在縣東南三十里元初併入按安仁廢縣即今

安仁鎮

茶場在縣西九域志有大邑思安二茶場

大邑縣志卷二

地理志

古今地志富若山淵陸機記洛陽顧夷記吳郡劉損記京口蓋泓記珠崖訖今悉已散亡未由甄采而原書具在者唐有元和郡縣志宋有太平寰宇記大都略於文獻詳於地理列朝方志奉爲典型蓋自吳國朱生述會稽之土地宋劉氏叙永初之山川其次則博學仲雍專詳漢水好遊居士獨紀衡山於是郎氏圖經黃閔神壤俱爲模範可脩鉤稽甚至洛陽伽藍京師寺塔聖賢家墓歷代山陵掌故攸關見聞所貴皆資紀載悉付風謠推之晉代稽含狀南方之草木宋朝范氏書桂海之虞衡固不祇束哲發蒙臚陳方物賈君要術旁及雞豚已也茲編首詳疆域次敘山川述古蹟則考據陳篇記物產則甄雜舊錄附於風土略脩遺文至方志失裁侈談分野既乖實測不合偏隅未敢詭隨宜從刪

大邑縣志

卷二

創至於極辰高下日度早遲則俟諸疇人詳爲推步可也

輿地以山脉水道爲經固當先圖次說第舊志於圖學微矣相承缺略顧山川雖終古不改亦從疆域割置而移疆域以今之縣境爲界故志地理首以疆域爲主從其舊例連及形勢關隘俾與沿革相次屬讀以見取裁詳略互文相脩原考水利廝渠分堰注瀆所著爲多山川能說今悉取焉民生風土之不也志地理第二

疆域

大邑縣在省城西南一百三十里

舊志云在邛州直隸州北五十里

東西距八十里南

北距一百三十里西北距東南延袤二百餘里

東至乾溪河過河交崇慶縣界十里至崇慶縣城三十五里

南至界牌交邛崃縣界三十里至邛崃縣城五十里

西至鄰城隆興場交邛崃縣界七十里

北至陳家場北秉教寺交崇慶縣界六十里

東南至韓家場唐廟子交新津縣界七十里至新津縣城九十里

西北至橫山岡交天全縣界一百三十里

東北至龍鳳場天宮院交崇慶縣界三十五里

南至高山鎮交邛崃縣界五十里

形勢

斜江乾溪合流於前鶴鳴霧中環繞於後東南則平疇沃野西北則疊嶂崇岡勢控沈黎路通邛笮

關隘

延貢砦在縣東南二十里唐中和二年高仁厚討邛州賊阡能至雙流西得降者悉撫諭書其背使前行過穿口新津告諭之至延貢而歸安仁縣有延貢寨

大邑縣志

卷二

思安砦在縣西

乾溪鎮在縣東十里接崇慶州界唐中和二年邛州賊阡能等作亂時陳敬瑄遣高仁厚擊之戰於乾溪即此

永安鎮在縣南即永安鋪志通安仁縣有後田彩渠頭泊三鎮

小坪子在縣西北八十餘里周圍險巖中有隘口昔西夷人曾攀藤附葛往來於此

樓耳壩在縣北八十里接壤崇慶州其地崎嶇蜿蜒山中谿徑可通瓦寺土司遇有小警亦必撥兵役嚴守

橫山岡在縣西北一百三十里與天全州以岡嶺爲界嶺南皆縣境兩峯聳立右接鋸齒山白果坪山腰鑿路尺餘以通往來蓋逆竄擾天全州時在此立卡防堵

官防岡在縣西北一百一十里雙河場側路通橫山岡尙存營卡基址

舊爲防堵邊夷要隘

附縣屬甌脫地三

一在縣東二區鎮東團所屬地在崇慶縣境太平場外郭漕有居民二十四家長三里許

一在縣西三區之康樂團在印嶺縣境與石坡團挨連居民約百餘戶設團正甲長各一人治理之該團對於石坡場係與印嶺分管上半場屬大邑下半場屬印嶺其該團所屬地面曰雷溝曰余溝團處山間有水田約數十畝

一康樂團屬窩在印嶺北路火燒菴者尙有一甲設甲長一人治理之此地亦山多田少居民約三十餘家

邑地亦有爲印嶺所屬者南曰盧廟子西曰雷溝池不詳錄也

### 山脈

大邑山脈當以北區爲正脈而東西兩區附之綜其大勢約分三大支

## 大邑縣志

卷二

三

一正北一大支起極北之鑒華山邑之最高峰也自青海巴顏哈喇山分支南下由瓦寺入縣界層巒疊翠高聳雲漢正脈由大雪堂小雪堂南行起頂爲紅巖大山由紅巖南下分三支其正中一支則爲霧中山冠子山龍窩山伏牛山金剛山至鶴鳴山起頂爲大坪山天柱峯此紅巖系正中之大山也偏東一支由紅巖循蝦子口左南下又分爲二其內順東澗行者則爲高山楊山千佛崖彎弓崖塔子山至鶴鳴山左起頂爲妙高峰餘轉東至大溪河西止偏西一支循官銀岡木瓜園天宮堂分支爲佛座坪三十六步太子坪其正脈至鶴鳴山右起頂爲留仙峰留仙妙高兩峰對峙雙澗合流中爲鶴鳴山之天柱峰山脈至此爲一大結束山水奇秀風景清幽自此南下岡陵起伏妙高峰以上東分爲馬流巖徐家坪至夾石堂丹鳳山止又東者爲千佛巖吊巖白巖山至圓門崗止妙高峰以下爲土地崗觀音堂二女山至大溪河西止留

仙峰以下爲勝會寺牟家營悅來場馬台山西竦爲高堂山東行爲龍坎門新山鳳凰山至縣治西止此正中南下之大脈也

二正東南行一大支由雪山逕藥王坪起黃峰坪行崇慶境至放馬坪分幹南下爲秦家下行至大邑界上爲野漆崗分水嶺白葉坪老王坪下分數支其外循崇慶界而東者至龍鳳場爲龍鳳山至綠雲觀爲綠雲山東至倒馬坎止其西葉布循大溪河上源東岸經陳家場而下轉東爲斜江北岸諸山其中行者黃溝上源以東犬子溪上源以西由仙台山似鶴山東南行爲長腰山過此東行爲游家頂至青山堰爲青山止南銀屏山止西南行者爲寨子山靜惠山作邑城北樂山止

三正西南行一大支則起於鑒華山西行爲橫山崗爲天全大邑之界山復折而南行爲打索廠芽香壩天車坡經大小龍溪循耨水東岸起頂爲九層岩百山腦分支爲黑虎崗孫家坡尖峯頂太鵬山又分爲三

## 大邑縣志

卷二

四

西循耨水東岸行至頭堰迤東至登龍堰畢山止中出者爲香爐山至觀音堂止西則循斜江而至縣西止以上三大脈縱橫蜿蜒約百餘里而以正中一支爲最繁衍東南行一支較簡西南一支較險峻論其大勢則正中一支爲斜江河上源之分水嶺也東南行一支爲大溪河及乾溪河之分水嶺也西南行一支爲耨水之分水嶺山系與河流相依而行故論山脈兼及水道如此至於各山距縣之遠近重修志紀載甚詳故遂錄於後以備考查

鳳凰山通志在縣西八十里山脈有藥師巖虎驤泉諸勝耨水出此

後嚴通志載在

此山下七八里山水奇絕

按印州志舊志均作鳳凰臺在縣西北五十五里有紫柏十圍根蟠巨石號騎鯨柏宋文同撰有鳳凰山禪院記至藥師巖一名後嚴在鳳凰臺後多宋明名流題名通志蜀水經耨水下均注源出鳳凰山

疑有錯誤詳見鄰水條

鶴鳴山通志在縣西北三十里天柱峯狀如柱東西兩側出其兩腋中有大穴流水相通

仙峯天柱之右在此山前永坪山左大坪山在此山左右訪山處道士與伯理追隨張三峯至此上昇柱腰岩李陽永陳博留題大字處在此山後均舊志載青霞嶺通志載在此山鉢孟山大鹿山通志載在縣北青霞嶺之左

舊通志山形如覆甕有石類鶴上有二十四洞應二十四氣每遇一氣則一洞氣開餘皆閉塞洞口約闊三尺深不可測有七十二穴應七十二候東西二溪出其兩腋東南有石峰曰天柱三面懸絕其形如城亦曰天城元和志在縣西北三十七里絕壁千尋張道陵天師學道於此李膺益州記張道陵登仙之所傳云常有麒麟白鶴遊翔其上有鈴記云張道陵為螭蛇所吸門徒以為登仙矣廣輿記鶴鳴山巖穴中有石鶴鳴則仙人出昔廣成子修煉於此石鶴一鳴漢張道陵登仙於茲石鶴再鳴明張三丰得道於斯石鶴又鳴寰宇記馬

大邑縣志

卷二

五

成子曰白日昇仙之處按神仙傳鶴鳴山作鶴鳴山隋書又作鳴鶴山即今之鶴鳴山也

霧中山道志在縣北五十里與石城山相連一名霧山上有七十二峰碧玉潭明月池諸勝峰頂有金剛足跡曰金剛臺仰天窩九龍山伏牛山均在此山左

富山金剛山冠子山均在此山右

吊鐘紅崖均在此山後均舊志載

邛州志在縣北五十里恆毓霞霧故名太平記云有浸淫被泊之文瑞應圖稱有赤白青黃之異相傳西漢時常有金色布地玉砌天階一百八盤氣象萬狀漢永平始建住持肇於摩騰法蘭繼於晉佛圖澄唐伽護宋圓澤明都綱圓曉咸述如來云震旦清涼大光明山悉為菩薩都宅此山即大光明山脈從崑崙來有七十二峰寺名開化由來尚矣按霧中山明時盛環山數十里廟林立蜀藩恆修齋建醮於此僧衆為張獻忠所屠廟燬今所存者唯懷王亭開化寺而已

銀屏山通志在縣東五里按山麓即漢趙順平侯墓下建祠宇

靜惠山通志在縣北一里一名東山上有土城今及平雲亭相傳蜀漢趙雲所築蓋雲常防羌於此有雲臺及廟存

天國山在縣西十五里萬興勝覽左連大面右接鶴鳴前臨獅子後枕大坪等山上有水池為七城山八大洞之一明統志在縣西南九十里按天國山即連崇慶州境之大坪山

高唐山在縣西十五里天氣晴朗夜有聖燈飛舞林巒為縣之勝境通志

雪山在縣境西北霧中山後

山形最高冬夏積雪燦列如銀左支向東層巒疊起即崇慶州境之大坪六頂令屏諸山右支向西即邑之橫山岡唐莊壩諸山其向南發脈為邑境之紫華山分水嶺樓耳壩諸山伏而復起迎面倚如重樓者即霧中鶴鳴諸山也大抵崇大兩邑山脈皆自雪山所起故高

大邑縣志

卷二

六

出諸山週圍可數百里三面皆壁立千尋惟一面鳥道蜿蜒可登絕頂土人攀援至巔相傳夏秋時極寒冬春則反炎熱若逢雨雪仰視仍是晴空雲霧均在山足湧出中有清水一池四時不溢不涸登者若大聲呼則水雹立至附近居民曾試糲糲麥均不生發至今遂絕人跡其附麗斯山尚有銅鑛山小西天大仙峰二仙峯南天門城門洞駕鶴池紅蛛池諸名勝要皆僅通樵徑云

紫華山在縣西北霧中山後樓子岡鐵杉岡均在此山左尖峯頂入卦

家山福建華山六峻峯山洞口山均在此山前

唐王壩山在縣西北一百二十里山自雪山發脈由北而南層岡疊障中

有數十里山勢平坦故名山腰石穴深

麗家山按麗家山一在縣東二在縣西三在縣北

經三千七百步之處馬臺山按馬臺山舊有天今廢